


Laure agitat ~~XXXXXX~~
Cibul.

P.P. Eremitar Camaldulensium
Eremiti Vigrensis.



TRACTATUS

B R E V I S

De

OBLIGATIONIBUS REGULÆ

&

CONSTITUTIONUM

IN SACRIS RELIGIONIBUS.

Authore R. ac Ex: P. Petro DIERKENS

S. T. D. Ords Prædicatorum Gandanensi

Honori & Venerationi

Reverendissimi ac Religiosissimi

in Christo Patris

GERARDI

THOMASSICH

Ords S. PAULI primi Eremitæ

Prioris Generalis Meritissimi

SS. Thlæ Doctoris Eximij, nec non per

Provinciam Polonam Visitatoris Colen-

dissimi Protectoris Gratiosissimi.

D I C A T U S.

Reimpressus in Claro Monte Czesstochoviensi.

TRACTATUS

DE

CONSTITUTIONE

REPUBLICAE

ROMANAE

AVGVSTI

CAESARIS

AVGVSTI

CAESARIS

AVGVSTI

CAESARIS

AVGVSTI

CAESARIS

AVGVSTI

CAESARIS

AVGVSTI

CAESARIS

AVGVSTI

CAESARIS

FACULTAS

R. A. P. PROVINCIALIS.

PERmitto, ut imprimatur hic Brevis Tractatus de obligatione Regulæ & Constitutionum in Religiosis Ordinibus, suppositis supponendis. Datum Tornaci 4. Maji, 1667.

*Fr. BONAVENTURA de MARIVOORDE.
Provincialis per inferiorem Germaniam.
Ordinis Prædicatorum.*

FACULTAS REIMPRIMENDI

Censoris Diocæfani.

PRæfens libellus jam Anno 1667. II. Julij approbatus, & Anno 1731. Coloniae impressus, ut iterum reimprimi possit, do facultatem.

*M. CASIMIRUS STĘPŁOWSKI S. T.
Doct̃or & Professor, Librorum per Dioc̃esim
Cracoviensem Censor Die 17.
Aprilis 1765.*


Qui spernit modica, paulatim decidet. Eccl 19
Ubi statuta non observantur talis Religio est
sicut pomarium undequaq; apertum, quod fructus
suos, non proprietariis, sed viatoribus fructificat
& reddit. S. Fr. de Sales. l. 2. epi. 1.

S. Antoninus loquens de quibusdā Religio-
nibus deformatis, ita ait: Præfata Religione,
quæ cum magno fervore & vitæ sanctimoniam
initium habuerunt, minima negligentes traditi-
onem paternam, in processu temporis paulatim
defluerunt, & exinanita sunt usque ad funda-
mentum in eis. 2. part. hist. cap. 15. §. 2.

Si parvi pendas Constitutiones & ordinatio-
nes sacre Religionis, quantumvis parva sint
Monachus non es. Blos. in spec. Monach.

Sic minora, imo minima servemus cum nobis
possibili, sicut majora & maxima, dicit enim
Scriptura: Qui negligit modica, paulatim deci-
det. Diony. Carth. ser. 6. de Dom. 3.

Qui parva sine scrupulo cōsciētia admittunt
insensibiles effecti, se sanos existimant, mala su-
plangere, & vitam corrigere ignorant - - -
quamvis parva vulnera videantur, quia tamen
nec cavent, ne ea suscipiant, nec postquam su-
sceperint, debitā curā adhibent, omnino mortiferi
redduntur. Dac. Abb. in 5. T. Bibl. Patrum.



RELIGIOSO LECTORI.

Cum juxta Doctrinam Angelici Doctoris, & communem Religiosa professio obliget profitentem, non quidem ut defacto sit perfectus, sed ut semper tendat ad perfectionem charitatis & aliarum virtutum & quia nonnihil obscurum videtur, in quo consistat ista tendentia, & quomodo, & quantum obliget; hinc varii Religiosi anguntur, quid facere debeant, ut huic obligationi satisfaciant. Declaro in hoc Tractatulo hanc tendentiam consistere in perfecta observantia Votorum, Regulae & Constitutionum. Quantum vero obligent vota, omitto hic tractare, quia de hoc egi sufficienter Tract. I. Exercitior. spirit. cap. 8. de obligatione vero Regulae & Constitutionum ibidem tractavi, sed breviter Verum cum illa res sit magis obscura, & multum ab ea dependeat bonum Religionis. requirit ampliore declarationem, quam expono per hunc Tractatulum, idque in Regula & Constitutionibus Ordinis PP. Predicatorum quae

A3

obli-

obligant ad solam pœnam & ad nullam culpam, nisi propter præceptum vel contemptum: in quibus casibus à fortiori obligantur illi Religiosi, quorum Regula & Constitutiones obligant sub peccato. Cum verò laxiores aliqui Religiosi intelligant Regulam & Statuta sui Ordinis non obligare ad aliquam culpam, vel in aliis Ordinibus ad solam culpam venialem, arbitrantur esse negotium parvi momenti liberè & frequenter illa transgredi, quod tamen valde magnum est, periculosum, & ruina Religionum, prout in sequentibus fusè demonstro; sperans fore ut per hoc confirmentur boni Religiosi in cuncta observantia laxiores verò intelligentes grande periculum suæ salutis tempestivè respiciant.

Cum verò materia hujus Tractatus sit magni momenti, & ab illa maximè dependeat bonum Religionis, & concernat æqualiter omnes Religiosos Ordines, eam typis committere nolui, nisi prius illam submissem accurato examini doctissimorum Virorum & S. T. Professorum in Universitate Lovaniensi & singulis Ordinibus, quorum censuram his adjunxi. Opto, ut DEUS det incrementum, & abundè fructificet!

TRA-



TRACTATUS BREVIS

De Obligatione Regulæ &
Constitutionum in Religiosis
Ordinibus.

C A P U T I.

*De Paradiso terrestri præfigurante Eccle-
siam Novi Testamenti, eius pulchritu-
dine & defectu.*

PLantavit DEUS Paradisum voluptatis à
principio, produxitque de humo omne
lignum pulchrum visu, & ad vescendum
suave, & ornavit illum omni pulchritudi-
ne, quæ ad oblectationem posset deservi-
re: & fluvius egrediebatur de loco volu-
ptatis ad irrigandum Paradisum, qui inde

dividitur in quatuor Capita, Geon, Phis-
 son, Tygrim, & Euphratem. Et posuit in
 eo hominem, quem formaverat, rectum
 & perfectum in anima & corpore, orna-
 tum omni scientiâ, gratiâ & virtutibus, in-
 exterminabilem & immortalem, ut DE- 2
 UM Condito-rem suum ex toto corde, &
 super omnia diligeret. Et in recognitio-
 nem tantorum beneficiorum imposuit illi
 hoc unicum præceptum: *Ex omni ligno Pa-
 radisi comede, de ligno autem scientie boni & mali
 ne comedas, in quocumque enim die com-
 mederis ex eo, morte morieris.* Sed invidia
 diaboli, qui homicida fuit ab initio, mor-
 intravit in Orbem: nam homo, qui obedi-
 endo DEO poterat esse immortalis & bea-
 tus, suggestione diaboli per inobedientiam
 recessit à DEO Creatore suo, audivit ser-
 pentem veneficè incantantem, perdidit
 DEUM, perdidit se, perdidit Paradisum, la-
 immortalitatem, & totam posteritatem in-
 numeris subjecit miseriis. Hæc in lege na-
 turæ, in qua omnia erant magis corporalia
 & figuralia.

§. Primus.

*De Ecclesia Novi Testamenti, sancta & spiri-
tuali, & Religioso statu in ea inchoato,
à Christo Domino & Apostolis.*

2. **A**T in Nova Lege, spirituali, & veri-
tatis, plantavit quoque DEUS Paradi-
sum voluptatis, sed longè perfectiorem, &
pulchriorem, Ecclesiam scilicet Novi Te-
stamenti, totam in spiritu & sanctitate. In
ea posuit Unigenitum suum, novum Ada-
mum, ut esset caput & exemplar membro-
rum, & per sanctissimam vitam & obedi-
entiam usque ad mortem reduceret Adami
Posteriores ad DEUM, à quo per inobedi-
entiam recesserant. Insuper plantavit in illo
Paradiso vineam electam, Angelicum scili-
cet statum Religionis, selectam illam Ec-
clesiæ partem, florem, & pretiosissimum
lapidem inter Ecclesiæ ornamenta, hortum
illum fortissimè conclusum, Paradisum de-
liciarum, sanctitatis domum, scholam vir-
tutum, bellatorum stationem, Cœlum ter-
renum, cujus umbra cooperuit montes,

cujus propaggines extensæ à mari usque ad mare, & Christus in medio ejus est fons irrigans radices ejus, & eam fœcundissimam reddens. Ipse primus vitæ Religiosæ fundamenta posuit in Palæstina, & ibidem vixit in suprema obedientia, factus Patri obediens usque ad mortem Crucis: Quod præceptum ingrediens mundum lubens à Patre acceptavit, in virginea castitate, in summa & tanta paupertate, ut non haberet, ubi caput suum reclinaret. Cujus ad exemplum Apostoli suum Magistrum imitati sunt. Similiter varii illorum discipuli.

§. 2.

*Quomodo floruerit, ad diversas mundi partes
extensus fuerit, & de flore & fructu qua-
tuor Ordinum Mendicantium.*

3. **E**Xinde eam transfudit in Ægyptum: ubi primos Monasticos Magistros posuit Antonios, Hilariones & plures hujusmodi sanctitatis Heroes. Sub quorum disciplina quandoque tria, quandoque quatuor millia uni Patri subsuerunt, & Religi-

osissi.

osissimè vixerunt; homines ex diversis generibus & regionibus nati, ad tantam identitatis sinceritatem coaptati sunt, ut una anima in multis corporibus conspiceretur. Qui infirmus erat corpore, multos habebat affectum agrotantes. Qui animam agrotabat, multos habebat sanantes. Lites & contentiones aberant. Communis charitas omnia communia faciebat, victum, vestitum, labores, orationes & coronas. Hujus vineæ Duce[m] posuit *Augustinum* in meridie; in Occidente *Benedictum*; in Oriente *Basilium*; in Aquilone alios. Hi omnes in tanta sanctitate vixerunt, ut in Ordine S. P. *Augustini* recenseantur homines Sanctitate clari sexdecim millia & ducenti. Sub Regula S. *Benedicti* referantur canonizati quadraginta quatuor millia, & viginti duo. Quorum quinque millia, quingenti, & quinquaginta quinque vixerunt in uno Cassinensi Monasterio, & ibidem sepulti sunt. In Cisterciensi, Præmonstratensi, & Carthusiensi, quasi innumeri in maxima sanctitate floruerunt. Imò tunc passim omnes Sancti.

4. Tandem divisus est fons ille Paradisi in quatuor capita, sive flumina, quæ egrediebantur de Paradiso ad irrigandam universam terram. Hi sunt quatuor Ordines Mendicantium, qui in spiritu Apostolorum incipientes, progressi sunt per universum Orbem, promulgârunt Evangelium Christi, per mare, per terram, per ignem & gladios, dantes animas suas, ut perditas oves adducerent ad ovile Christi, & innumeras animas doctrinâ sanâ, exemplari vitâ, signis & miraculis extraxerunt è diabolica captivitate, & lucrati sunt Christo. Tantus erat zelus erga salutem animarum, ut in quodam numerosissimo Generali Capitulo Ordinis *S. Dominici*, in quo, nomine Summi Pontificis petebatur, si essent aliqui parati ad prædicandum Evangelium Christi in terris infidelium? Ad unum omnes responderunt se paratissimos. Hi omnes vivebant religiosissimè, in magna sanctitate, in observantia votorum, Regulae & Constitutionum exactissimi. In maxima austeritate & mortificatione corporis, per jejunia,

adiff flagella, catenas ferreas, cilicia, &c. Hi
gre. sunt viri Apostolici, æqui fortes & varii,
uni. qui rhedam Evangelicam deduxerant in u-
ines niversum Orbem. Hæc est florens illa vi-
rum nea, quæ dedit odorem suavissimum cunctis
sum populis. Hæc sunt ligna plantata in Paradiso
hri. producentia fructus honoris & honestatis.

n & Sanctissimæ Virgini *Theresa* revelatus
s o. fuit latissimus campus, quem *S.P. Dominicus*
nu. cum maximo exercitu Sanctorum Filiorum
vi. occupabat, qui omnes heroicè decertârunt
bo. contra Hæreticorû antesignanos, & princi-
sto. pes eorû dæmones infernales. Quorû nomi-
um, na scripta erant in vasto volumine, quod
Ca. eidem Virgini tradebatur. Non minora, re-
ine feruntur in *Chronicis Seraphici Ords*, ac *Mon-*
qui *tis Carmeli*, in quibus floruerunt doctrinâ &
ari. sanctitate præstantissimi Viri sine numero.

§. 3.

*Invidet diabolus, querit diversa media de-
struendi hanc spiritualem Vineam, &
longo tempore non potuit.*

5. **A**D talem phalangem ipse diabolus ac-
cedere metuebat, vincere desperabat,

se perdere cernebat. Ea propter antiquus ille serpens, & callidus tentator, qui primum Paradisum destruxerat, variis modis tentavit ingredi hortum hunc conclusum, nec potuit. Quid tandem fecit? Convocavit omnes principes tenebrarum, inivit consilium cum suis, quâ viâ id perficere possent. Unus inter illos cæteris callidior suggestit, ut viventibus *Dominico & Francisco* quiescerent à laboribus suis: futurum post mortem illorum ut multiplicatis cœnobiis reciperent ad Ordinem nepotes ex affectu carnali: adolescentes sine zelo perfectionis, delicatos & assuetos deliciis: Nobiles, ambientes dignitates: Doctores, arrogantes ob doctrinam: ac tandem pro conservatione Ordinis cogerentur recipere quosvis: ac proinde tepescere: et tunc zelus, frigesceret charitas, flaccesceret observantia! & ita facile possent intrare hortum istum, pro tunc nimis fortiter conclusum, & vineam hanc electam devastare. Placuit consilium omnibus, expectârunt opportunum illud tempus, & immiserunt vulpecu-

las diuersas in vineam istam, ut eam valide demolirentur: incipientes à minimis, ne nimis paterent ipsorum insidiæ, & sic via disponderetur ad maiora. Nam callidus hostis ita decipit, cum nobis persuadet, parua non magni facere, inquit *S. Anselmus*, sciens, ubi parua negliguntur, quod totus Ordo paulatim dissipatur & destruitur, cum sine parvis istis stare non possint maiora, (inquit *D. Hieronymus*.)

§. 4.

Incepit illam cautè destruere à minimis, & successu temporis eam destruxit in diuersis mundi partibus, & quibus mediis.

6. **I**ncipitur ergo hujus electæ vineæ devallatio à parvis dispensationibus & dissimulationibus; sensualitas inceptit habere locum; exercitia spiritalia flaccescere; oratio mentalis, meditatio, recollectio quotidiana, examina conscientiae, reflexio super omnia opera sua, communicatio sui ipsius apud Superiorem, seu quod apud nos Capitulum quotidianum, sive de culpis vocatur, pro sola forma, & non serio fieri,

vel

vel omitti, hæc & similia ad vitam religionis, rur-
 sam traducendam omninò necessaria. Inde no-
 ulterius progressum est. Ad quid (inqui- vit
 unt) tot Constitutiones, quæ retineri non Cl
 possunt? Sufficit nobis Regula. Post hæc i-
 terum: Ad quid toties legere Regulã, quam
 tenemus memoriter? Sufficiant nobis vota. 7.
 Tandem eò devenitur, ut vulpeculæ fiant
 vulpes, & devastent vineam, usque ad fun- lap
 damentum in ea. Recipiuntur divitiæ, aug- arv
 mentantur census, sunt Monasteria magni- sup
 fica, portantur pecuniæ &c. Cum his (in- O
 quunt) stare potest paupertas spiritus An
 Servi DEI debent benè tractari, nihil ipsi xit
 deesse debet, ne cogantur illa quærere a- tui
 pud sæculares. Ibi radix incontinentiæ, nã fui
 venter plenus est seminarium libidinis bis
 Non in omnibus (inquiunt) parèndum est sol
 obedientiæ. Struuntur convivia, invitantur ran
 amici, reinvitantur Religiosi, deseritur Of-
 ficiu Divinum, negligitur studium, fit fre str
 quens conversatio cum sæcularibus. Fina- ces
 liter verificatur illud Psalmistæ: Commixti ti &
 sunt inter gentes, & didicerunt opera eo- &
 rum

rum, & factum est illis in scandalum, & non ipsis tantum, sed scandalosa ipsorum vita perdidit innumeras animas in populo Christiano.

§. 5.

Stupenda & deploranda ruina.

7. **Q**uomodo obscuratum est aurum, mutatus est color optimus, dispersi sunt lapides sanctuarii in capite omnium platearum. Denigrata est facies Nazaræorum super carbones, non sunt agniti in plateis. O quantum distamus ab his, qui in diebus Antonii fuerunt Monachi! Sic Macharius vixit? Sic Basilius docuit? Sic Antonius instituit? Siccine alii fundatores Ordinum filiis suis talia documenta reliquerunt? Væ nobis! (inquit *S. Thomas à Villa Nova*) quia solum nomen vacuum Religionis, tonsuram & habitum gestamus.

8. Plangite nunc Patres super filios vestros, in quibus sanctus DEI timor aut recessit, aut friget. Filii Sion quondam inclinati & amicti auro primo, plangite super vos & super filios vestros, quod nomen San-

Eto-

Etorum Parentum inaniter gestatis. Sic v
vendo, sic operando procul aberitis à re
cipienda mercede centupla, & vita æterna
quando post horam undecimam, dum ser
factum erit, Pater familias ad solvendum o
perariis redierit.

CAPUT II.

*In quo exponitur vera & prima origo
hujus ruinae.*

9. **M**irum fortasse alicui videri posset
quomodo eminens ille perfectioni in
status à sanctissimis viris, Deo inspirant
& adjuvante, ita firmiter fundatus, tot pro
pugnaculis munitus, in quo sancta Regula
sanctæ Constitutiones, continuæ exhorta
tiones, per verba & exempla, tot sancta E
xercitia, quæ est vera Turris Davidica, et
qua mille clypei pendent, in qua est omni
armatura fortium, contra diabolum, mun
dum & carnem. Mirum, inquam, videri
posset, quomodo fortissima illa turris, tot
munita præfidiis, ita deficere potuerit. Ve
rùm enim verò si quis benè consideret, T
quod perfectissimi illi Principes Cœli, tot

gra-

vigiliæ auxiliis confortati in veritate non
restituerunt: non mirabitur, quòd lutea illa &
fragilis creatura inter tot pericula & tot
hostes deficiat. Quòd igitur defecerit, ita
quid fecit inimicus homo, qui continuò cir-
cuit, quærens quem devoret. Idque dum
homines dormirent, hoc est, dum Superi-
ores negligentius agerent, & minus vigi-
larent. Vel cum præcipua Religiosorum
supposita dormitionem acceperant. Quod
in diversis sæculis, ex diversis malis ortum
habuit. Nam ut referunt Chronica Ordi-
nis Prædicatorum, circa annum Dñi 1348.
tam horrenda Pestis defæviit per univer-
sam Europam, ut vix decimum hominem
reliquerit. Tunc præcipui Religiosi zelo
et animarum inflammatis, ne infectorum ani-
mæ simul cum corporibus perirent, posu-
erunt animas suas pro animabus proximo-
rum. Et hoc modo præcipuis Suppositis
morte sublati, reperit dæmon opportuni-
tatem bonam, suffodiendi hanc mysticam
Turrim.
Aliis quoque sæculis arripuit ansam per
bel-

bella & hæreticos, invasit Ecclesias, Monasteria devastavit & concremavit. Sacerdotibus, præsertim Religiosis, gravissima persecutiones intulit, & immaniter occidit; adeò ut crudelitatem inexplicabilem quam præcedenti adhuc sæculo exercuerunt totam ferè Europam, singulariter tamen in Partibus nostris, non tantum cognoverimus ex Historicorum monumentis sed Patres nostri, qui hæc viderunt & experti sunt, narraverunt nobis filiis suis. Quid igitur mirum, quòd diabolus in occasione adeò desiderata ita profundè suffoderit Religiosam hanc vineam, destruxerit maceriam ejus, ita ut omnibus prætereventibus patuerit desolatio ejus.

10. Contra quæ mala hoc nostro sæculo omnium Religionum Superiores indefessè laborârunt, ut quæ collapsa erant, restaurata conservarent, & ulterius promoverent. Inque cum ingenti profectu, in tantum, ut modò in singulis Religiosis communitatibus ubique Religiosè & regulariter viveretur, & in Illis quamplurimi veri & sancti

Re-

Religiosi inveniantur. Quorum bonæ famæ nihil officit, quòd inter illos reperiantur aliqui diffformes, dissoluti & falsi fratres: numquam enim seminatur tam purum triticum, cum quo non metitur lolium: & ab initio non fuerit tam sancta familia, in qua non aliquis degener & perversus fuerit. Prout *S. Augustinus* ostendit à Coelo Empyreo, & ab Arca Noe usque ad collegium Apostolorum inclusivè. Per quæ defendit bonam famam domûs suæ, contra quosdam obrectatores, qui ex paucis perversis volebant optimas communitates infamare.

II. Volens igitur sanctis conatibus bonorum Superiorum utrumque cooperari, & diversorum desiderio facere satis, qui dudum desideraverunt, ut ea, quæ in Exercitiis spiritualibus nimis diminutè à me scripta erant, magis ampliarem: hunc parvum tractatulum scripsi, ut obligationes Religiosæ Regulæ & Constitutionum magis explicarem. Idque non ex proprio cerebro, sed ex sensu Sanctorum & Majorum

nostrorum, ponendo breviter hinc & inde
eorum verba, & brevitatis causâ, sapi-
entem sensum. Qui hæc latius legere de-
siderat, legat Tractatum illum, quem totum
conscriptit ex sententiis Sanctorum Patrum
doctissimus P. M. Joannes Baptista Lexana
Sacri Ordinis Beata Virginis MARIE
Monte Carmelo, cujus exemplaria à pluribus
desiderantur. Zanchez in decalogum cap. 4
& 5. Peyrinus tom. I. c. 15. per totum. Fulin-
Negronius in Tract. Ascetico de Cura Mi-
norum.

§. I.

*Declarantur causæ propinque hujus
ruinæ.*

12. **UT** igitur diabolicis istis machinatio-
nibus efficaciter occurratur, opor-
tet pretium erit in primis detegere callidas il-
las foveas, per quas Satanicæ illæ vulpecu-
læ ingrediuntur mysticam hanc vineam, ut
vastari possint.

Tales foveæ sunt neglectus Orationis
Exercitiorum spiritualium, quæ hîc superius
retuli, aut tepida eorum executio, n-

mia

indicia extra Monasterium evagatio, nimia familiaritas & inordinata conversatio cum secularibus, temetsi specioso titulo fieri videatur. Ostendit *Granatensis*, quod tales subinde lucrentur aliorum animas, & suas perdunt. Otiositas & neglectus studii, exemptiones, privilegia, & indiscretæ dispensationes, ambitiones, divisiones per diversas ligas, negligentes Prælati, mala educatio Novitiorum; & communissima fo-
Minea est negligentia & contemptus seu par-
va æstimatio parvarum Constitutionum & regularum, per quam imperceptibiliter destruuntur florentissima Monasteria: hoc ultimum potissimum in sequentibus declarare intendo.

§. 2.

*Ponitur remedium, quò ruina restau-
ratur.*

3. Quid igitur factò opus, ut his malis ulterius occurratur, & eliminentur? Nihil profectò aliud, quàm illud ipsum, quod Sapiens præscribit, dum ait: *Capite vobis vulpes parvulas, quæ demoliuntur vineas*

neus. Capiuntur tunc vulpes parvulæ Sætanicæ, quando in Religionibus minimæ quæque in Regula & Constitutionibus exactè observantur.

Quapropter ut perniciosæ istæ vulpculæ à religiosa ista vinea excludantur, hortus iste fortiter concludatur: necesse est amplius declarare fallacia fundamentis quibus innituntur Religiosi illi transgressores, & illa efficaciter refutare, & fallaciam declarare, ne habeant ulterius animam ad excusandas excusationes in peccatis. Nam cum proditur dolus, cum fraudes aperitur, cum convincitur falsitas, rectissime tunc dicitur vulpes capta, inquit. *Bernardus Serm. 64. in Cant.* Allegant itaque tales Religiosi, alias boni, in sui excusationem illa, quæ in sequentibus fusiùs declarantur.

C A P U T III.

Ponuntur excusationes, quibus se excusant transgressores in transgressionibus suis, & refutantur.

14. PRIMò igitur allegant, quòd Confi-
tu-

tutiones sunt res parvi momenti in ordine ad perfectionem.

2. Quòd hæc ita faciunt cum licentia & dispensatione Superiorum; & quòd illum vivendi modum sic invenerint: & quòd maxima pars communitatis, & multi Viri docti sic vixerunt, & etiamnum vivunt: ac proinde quòd Constitutiones & antiquæ illæ Leges per contrariam Consuetudinem, & legitimam præscriptionem sint abrogatæ.

3. Dicunt: Illæ Leges etiamsi adhuc obligarent, obligant solum ad Veniale, per quod non possumus excludi à Cœlo.

4. Dicunt alii: Regula & Constitutiones nostræ non obligant ad culpam aliquam, sed ad solam pœnam, ac proinde non minuitur per transgressionem perfectio, ad quam obligamur.

§. I.

15. **R**espondetur ad primam excusationem, quam prætexunt continui transgressores: quòd in Religione exactè observare Regulam & Constitutiones, etiam mini-

mas, est res magni momenti, continet maximam perfectionem, addit illam votis, & conservat vota.

I. Probatur: Quia diabolus, volens destruere Religiosam observantiam, incipit à minimis, ut supra dictum est: Ergo à contrario, qui vult in se construere observantiam, debet à minimis incipere; quia hoc parat viam ad vota, sicut observantia votorum parat viam ad servanda Præcepta, inquit *S. Thomas quodlib. 4. ar. 23.* & sine illis difficile est, servare Præcepta.

II. Probatur. Ex verbis SS. Patrum, quos citare ad longum omitto brevitati studens: dicunt etiam, quòd Religiosum ad observantiam, etiam minimorum, impellere debet cordialis amor DEI & perfectionis virtutum, ad quæ tendere DEO promisit: insuper & ædificatio proximorum, ad quam præ omnibus Christianis peculiari obligatione Religiosi adstringuntur. Præterea quòd nihil est parvum, quod DEI causâ fit. Quod DEO placet, & ipsi gratum est. Quod DEUM ipsum meretur in mercedem

Qui

Qui à minimis incipiunt, in maxima pro-
ruunt, sive in bono, sive in malo, & *Chri-*
stus ipse B. Magdalena de Pazzi mandavit,
dicens: Tanti facias Regulam, statuta &
vota tua, quantum volo ut me æstimes. Et
de parvis defectibus & peccatis inquit *S.*
Bernardus; Nemo dicat in corde suo: levia
sunt ista, non curo corrigere, non est ma-
gnum, si in his maneam venialibus mini-
misque peccatis. Hæc est (inquit) impœ-
nitentia, blasphemia in Spiritum Sanctum
irremissibilis.

III, Probatur; Christus dixit *Mat. 5. v.*
17. Quod non venit solvere legem, sed adim-
ple e: adimplevit legem, & maximè perfe-
cit illam superaddendo ei aliqua, quæ par-
va videbantur. Exempli gratiâ, Legem, *Non*
occides, datam antiquis, perfecit quàm ma-
ximè, addendo illi: *ut ne quidem irascamur*;
ubi lex de *non occidendo* cum maxima per-
fectione superaddita continetur in *non f-*
raſci. Nam, qui ne quidem irascitur, lon-
gissimè abest ab occisione. Similiter qui ita
constitutus est, ut ne quidem venialiter ve-

lit offendere DEUM, perfectissimè implet legem charitatis, & longissimè abest à mortali odio. Quam perfectionem accipit ab observantia legis in parvo, ut videtur. Similiter ergo respectu voti castitatis maximum quid addit, qui ne quidem vult oculum figere in muliere, quod habet ex observantia Regulæ. Iterum: Qui nihil vult recipere, quod non statim plenissimè submittit liberæ dispositioni Superioris, perfectissimè implet votum paupertatis. Perfectissimè obediens est, qui Superiori usque ad minutissima promptè obtemperat, & causam quare sic, vel aliter præcipit, non indagat. Has perfectiones accipiunt vota ab observantia parvarum Constitutionum, in quarum observantia continetur votorum observantia, & superaddunt maiorem perfectionem. Quia Constitutiones ordinantur ad perfectionem votorum, inquit *S. Thomas* infra citandus

Insuper: Signum est evidens perfecta dilectionis, quòd aliquis ita dispositus est, ut nequidem in minutissimo velit esse DEO.

infidelis, sed promptè & alacriter omnia illi solvit. Cedit hoc quoque plurimum in DEI honorem. Est DEO gratissimum, & rumpit viscera misericordiæ DEI nostri, adeò, ut liberalissimè super tales Religiosos thesauros gratiæ suæ effundat. eos specialissimo auxilio gratiæ præservando ab omni malo, & promovendo admirabiliter in omni bono. *Vide latius de his Alphonsum Rodericum de Perfectione part. 1. Tract. 1. cap. 9. & sequentibus.*

IV. Probatur: Ex gratiis & beneficiis, quibus à DEO præmiantur, qui sua statuta exactè observârunt. Refert *S. Bernardus* visionem de quodam sancto viro *Gerardo*, cui ante mortem revelatum fuit à *Christo*, quòd nulli Religiosi sui Ordinis perirent, qui diligenter observarent statuta & Regulas suæ Religionis. Idem revelatum fuit *S. Thomæ*, ut habetur in *Vitis Fratrum Ordinis Prædicatorum*. Et *S. Mater Teresa* refert diversos Religiosos, qui in perfecta observantia Constitutionum vixerant, sine Purgatorio ascendisse ad Coelum. Qui ve-

rò referuntur in actis Generalium Capitulorum Ordinis nostri obiisse cum opinione sanctitatis, semper ferè additur quòd in observantia Constitutionum fuerint exactissimi. Econtrà autem referuntur in diversis historiis gravissimæ punitiones eorum, qui negligentes fuerant in observantiis, etiam parvis, suarum Constitutionum, quas brevitatis causâ omitto. Refert varias Petrus Damianus, & P. Engelgrave, in Luc. Evangelica, in Sermonè super Evangelium Dominicæ 6. post Epiphaniam. Et in Vitis Fratrum Ords Prædicatorum parte 5: cap. 5.

CAPUT IV.

Secunda Excusatio (Quòd hæc ita faciunt cum licentia &c.) allegata refutatur.

16. AD secundam Excusationem respondetur: quòd Superiores acceperint potestatem in ædificationem, non in destructionem, & vera dispensatio requirit causam necessariam, honorem DEI vel majoris boni in proximis, quæ in relaxata vita regulari non reperiuntur. Superiores sine prædictis causis dispensantes sunt du-

ces cæcorum, & subditi utentes tali dispensatione cum ipsis simul in foveam inferni cadunt. De quo subjungo, quæ habet Religiosissimus Pater Joannes Nider, de Reformatione Lib. I. Cap. II. hoc modo:

Sextò sequitur: Quòd dispensatio, quæ hodie passim in multis Religionibus fieri videtur, & dissimulationes in continua non tentione silentii in interdictis locis & temporibus: in fractione continui jejunii regularis, in perpeti comestione carniùm: in lineis vestimentis, & calcitris penneis seu lectorum usu frequenti: in fuga à choro & cantu Divini Officii: in usu tonsuræ & habitibus prohibitis: in negligentia studii litierarum: imò potissimè in appropriatione pecuniæ & similium, quæ in Regula & statutis sunt prohibita, non sunt dispensationes, sed dissipationes; in quibus nec Prælatus potest dispensare, nec subditus talem dispensationem accipere. Apud multos igitur obtinet vulgaris ista definitio: Dispensare est cum licentia infernam intrare. Hæc ille.

Et in deformatis & relaxatis communitatibus, non oportet sequi majorem par-

tem, quia ibi major pars ingreditur amplam & spatioſam viam, quæ ducit ad perfectionem. Et forma vivendi non à pluribus, ſed ab honeſtioribus ſumenda eſt, inquit § *Bonaventura*. Tales ſunt, qui vivunt regularem vitam in profeſſione promiſerunt, quamvis in numeroſiſſima communitate forent ſolùm duo vel tres. Excusatio illa, quòd talem vivendi modum ibi invenerint, non indiget reſponſione, ſed emendatione. Et viri docti ſic viventes, præter commune peccatum tranſgreſſionis, peccant graviffimo peccato ſcandali, quòd vitam ſuam non conforment ſanæ doctrinæ coram puſillis.

Neque habet hic locum præſcriptio ad abrogandas Conſtitutiones & Regulam; quia nullo tempore, quamvis longiſſimo, poteſt peccatum præſcribere contra virtutem, nec malum contra bonum.

§. I.

Refutatur 3. Excusatio.

Quod 3. alii producant in excuſationem ſuarum tranſgreſſionum, nimirum, quòd

Re-

Regula & Statuta non obligent ad mortale, sed ad solum veniale; ac propterea se per transgressionem non posse excludi à regno Cœlorum: est indigna excusatio pro viro religioso, qui profitetur perfectionem, est responsio meri servi & mercenarii.

Ut refutetur hoc malum fundamentum, breviter referam ex communi sententia Theologorum & dictis Sanctorum Doctorum, quanta mala & pericula contineantur in peccatis venialibus, ut illis cognitis terreantur omnes, & abstineant ab illis, præcipuè Religiosi: Loquor præcipuè de peccatis venialibus, quæ committuntur deliberatè & sine urgente causa; non verò de illis, quæ committuntur per inadvertentiam, aut ignorantiam, vel fragilitatem, quæ permittuntur à DEO in iustis ad exercitium humilitatis, & faciliè dimittuntur.

§. 2.

De malitia peccati Venialis, & quàm graviter à DEO puniatur.

18. **I**lluminatiss. Doctor P. Joannes Tan-
B5 10-

lerus dicit: Quòd nullâ linguâ explicari queat, nec ullo intellectu capi, quanta malitia contineatur in uno peccato veniali, quàm perniciosum sit animæ, & quanta mala adferat eidem. In primis continet contemptum & injuriam in DEUM quodammodo infinitam, propter infinitam dignitatem offensi, & maximam vilitatem offendentis: Sine comparatione major est injuria, quæ irrogatur DEO per unum veniale peccatum, quàm si aliquis occideret proprium parentem, loquendo de injuria, quæ præcisè fit parenti.

Plurimum displicet DEO ac offendit illum, qui tam magnus est. Omnia mala pœnalia huius mundi, ut ignes, cruces, laniena, gladii, &c. Omnes difficillimi morbi totius mundi, ut calculus, iliaca passio, sciatica, podagra, & omnia simul juncta, comparari naqueunt cum malitia unius peccati venialis, quocirca deberet quis secundùm rectam rationem præeligere millies ac millies intrare ardentem fornacem, quàm vel unum veniale peccatum deliberatè committere.

Po-

Potius toleranda est omnis mors pœnalis, imò annihilatio, quàm unum veniale admittere. Quocirca rectè quidam Sanctus. Malo dæmonum adire domicilium, quàm vel levi noxâ DEUM offendere.

Si Sanctissimæ Virgini daretur optio, utrùm duorum præligeret, admittere nimirùm peccatum veniale, vel videre Filium unigenitum subire omnia tormenta transacta, (si sine peccato id fieri posset) & liberare posset omnes homines ab æterna damnatione: mallet Christum hæc omnia iterum pati, imò ipsamet vellet hæc potius omnia ei infligere. *S. Brigitta de Revelation.*

Punit DEUS illud frequenter in hoc sæculo gravissimis pœnis, qui tamen tam iustus est. *Moyfes & Aaron* propter levem iacredulitatis culpam terrâ promissionis privati sunt, ac morte puniti. *Oza* ob levem irreverentiam commissam erga Arcam, à Domino morte percussus interiit. *David* ob curiositatem commissam in numerando populo punitus fuit peste, quò

paucis horis obierunt 70000. Varij Sancti Patres dicunt in his solum veniale fuisse commissum.

In futuro illud punit dirissimâ poenâ ignis, qui tamen adeo misericors est. Nam omnes poenæ hujus sæculi non sufficiunt ad levem aliquam noxam expiandam. Leguntur in diversis Historijs varij gravissimè puniti, & diutissimè in flammis purgatorijs ob leves noxas, quas videre licet in *Luce Evang. Engelg.* qui multa ibidem horrenda scribit de peccatis venialibus. Disponit quoque ad mortem animæ, sicut febris disponit ad mortem corporis. Præterea ita liberè & sine causa continuò committere peccata venialia in causa est, quòd plurimi in æternum damnentur. Quia secundum communem doctrinam Theologorum hujusmodi liberis Transgressoribus in poenam peccatorum, negat DEUS sæpè speciale auxilium gratiæ, quando urget tentatio ad peccatum mortale, & ita succumbunt tentationi, & peccant mortaliter. Et sic progredientes, ex uno mortali incidens

dunt in aliud; quia peccatum posterius est poena peccati prioris: ac tandem in peccatis vitam finiunt, & æternum damnantur. Quam doctrinam quilibet graviter apprehendere debet. Insuper pulchritudinem animæ maculat, fervorem charitatis, DEO adeo gratum, facit flaccescere. In actionibus bonis meritum gratiæ & gloriæ impedit, retardat à consecutione regnæ Cœlorum. Religiosi deberent plus deplorare unum veniale, quàm simplices sæculares diversa mortalia.

19. Et quod valde mirum alicui videbitur, sed nihilominus verum: Quòd sæpè periculosius peccatur in parvis peccatis, quàm in magnis. In ore duorum testium fide dignissimorum hæc veritas confirmatur, Chrysostomi videlicet & Greg. Magni, ita loquentium: *Mirabile quiddam, atque inauditum dicere audeo; solet mihi nonnunquam non tanto studio magna peccata videri vitanda, quanto parva & vilia: illa enim ut aversemur, ipsa peccati natura efficit, hæc autem, hæc ipsa re, quia parva sunt, desides*

reddunt; & dum contemnuntur, non potest ad
expulsionem eorum animus generosè insurgere.
Unde citò ex parvis, maxima fiunt negligentia
nostrâ. Chrysostomus Hom. 87 in Matth.
Nonnunquam deterius in parvis, quàm in ma-
gna culpa peccatur. Major enim quò citius a-
gnoskitur, eò enim celerius emendatur: minor
verò, dum quasi nulla creditur, eò pejus, quò
& securius in usu retinetur. Gregorius Ma-
gnus 3. p. Pastoralis, Admonitione 34.

Hæc duo testimonia æq; efficaciter pro-
bant, quòd in frequenti transgressione mi-
nimarum constitutionum sæpè periculosius
peccetur, quàm in transgressione votorum.

Ex his jam dictis liquet, quàm insipien-
ter loquuntur, qui dicunt: parva sunt ista,
sunt tantùm venialia &c. Contra quos me-
ritò graviter excandescit S. Bernardus su-
perius citatus, vocans hoc impænitentiam,
peccatum in Spiritum Sanctum, & irremissibile.

CAPUT V.

De quarta causa, quâ se excusant Trans-
gressores Regule & Constitutionum.

20. **A**lij tandem excusant continuas
trans-

transgressionem suas ex eo, quòd Regula & Constitutiones eos non obligent ad aliquam culpam, sed ad solam pœnam taxatam, ac proinde quòd per transgressionem non diminuatur perfectio, ad quam ex vi professionis tendere tenentur.

Hæc excusatio habet majorem apparentiam, quàm præcedentes, & propterea plures per illam inducuntur ad transgrediendum: ac proinde pluribus argumentis & fortioribus refutari debet. Et omnia quæ adducentur ad illam improbandam, à fortiori improbabunt tres præcedentes excusationes. Quod ut debite fiat, explicari debet fusiùs obligatio Regulæ, & Constitutionum illarum, quæ obligant ad solam pœnam. Nam quidquid de hujus obligatione dicetur, à fortiori convenit Regulæ & statutis illis, quæ obligant ad peccatum.

§. I.

Refutatur 4. Excusatio.

21. **U**T igitur refutetur 4. Excusatio & explicetur obligatio Regulæ & Con-

Constitutionum, notandum est.

Nota I. Quòd in quibusdam Religionibus multa continentur in Regula & Statutis, quæ obligant ad peccatum mortale, quæ constant ex verbis Regulæ Exposuit olim R. P. Joannes Capistranus Eugenio IV. quòd in Regula S. Clare continerentur 130. præcepta regularia obligantia ad peccatum mortale, quorum ferè omnium obligationem abstulit præfatus Pontifex. Ita refert R. P. Marchant in Resolutionibus casu 50.

In alijs quibusdam Religionibus transgressio Regulæ &c. obligat ad peccatum veniale: quia hæc fuit intentio Superiorum instituentium & subditorum profitentium.

Sunt & aliæ Religiones, in quibus Regula & Constitutiones non obligant Transgressores ad aliquam culpam, sed ad solam poenam taxandam Ita est in Ordine Prædicatorum, in quo Regula & Constitutiones obligant ad solam poenam, nisi propter præceptum, vel contemptum, Constat ex prologo Constitutionum, Tex-

in 6. litteram & ex S. Thoma 2. 2. q. 186.

art. 9.

Nota II. Quòd præcepta Superiorum sunt in duplici differentia: aliqua vocantur præcepta formalia, quæ fiunt sub hac verborum forma: Præcipio hoc, vel illud, in virtute Spiritûs Sancti & Sanctæ Obedientiæ, &c. Et hujusmodi præcepta obligant ad mortale, etiam facta in materia aliâs indifferenti, dummodo habeat moti-
vum multum conducens ad regularem observantiam. Exempli gratiâ: Hæc modo sæpè præcipitur, ne Religiosi ingrediantur mutua cubicula, ne ingrediantur hanc, vel illam domum: ne comedant, vel bibant in civitate, & alia similia.

Alia præcepta sunt simplicia, vel materialia, quæ Superiores sæpè faciunt ore-
tus, sine certa verborum forma, ut dum dicunt: Volo, vel mando, ut hoc, vel illud facias. Et hujusmodi præcepta non obligant ex se ad aliquam culpam, nisi esset magna materia, sed in Ordine Prædicato-
rum ad solam poenam, ut patet ex prolo-

go Constitutionum Text. 4. littera L. in Cap. de Novitijs in declarationibus ad textum 3. in fine. Ubi & ratio additur. Ex quibus constat, quod Constitutiones & Regula, quæ obligant ex se ad solam pœnam, propter superveniens præceptum for- nale, obligant ad peccatum; quia tunc fit contra obedientiæ votum, inquit S. Thomas.

CAPUT VI.

Utrum in Religionibus, quarum Regula & Constitutiones obligant ad solam pœnam, citra præceptum aliquando adhuc obligent ad peccatum.

I. **R**espondetur: Religiosos esse in statu perfectionis, non acquisitæ, sed acquirendæ. Perfectio illa consistit in charitate perfecta, & aliarum virtutum. S. Thomas 2. 2. q. 186. a. 6. in corp.

II. Respondetur: Religiosos inde perpetuò obligari ad ea, quæ perfectionis sunt, quæ obligatio oritur ex voto professionis paupertatis, castitatis & obedientiæ. Idem ibidem.

III. Respondetur: Religiosi ex vi professi.

professionis tenentur semper tendere & operam dare, ut habeant charitatem perfectam: quæ tendentia consistit in observatione votorum, Regulæ, & Constitutionum. *Idem art. 7. ad 1.*

IV. Respondetur: Votum professionis principaliter respicit tria vota: alia vero omnia, scilicet Regulam & Constitutiones, quæ ad vota ordinantur, respicit secundario. Ideo transgressio votorum obligat ad mortale: aliorum autem transgressio non obligat ad mortale, sed ad solam poenam taxatam, nisi propter contemptum, vel præceptum: Quia contemptus contrariatur professioni, per quam vovimus regularem vitam. Transgressio præcepti ipsius Prælati, vel Regulæ est contra obedientiam. *Ibidem art. 9. in Corp.*

Nota I. Circa hanc responsionem: quòd aliqua annectuntur voto professionis pro diversitate Religionum, prout congruit eorum diverso fini, vel honestati, quæ obligant sub peccato: ut persolvere Horas Canonicas, frequentare chorum, studere
di-

diligenter *S. Scripturae, Theologiae*, praesertim morali, & controversijs, pro Ordinibus Mendicantium, abstinentia à carnibus, pro Carthusianis, cibis. Quadragesimalis, pro Minimis, deferre habitum sui Ordinis, pro omnibus, non egredi monasterium furtivè, & maximè nocte quod *Clement VIII.* posuit inter casus reservabiles; cui vicinum est: egredi monasterium cum licentia obtenta mentito titulo, ut praetextu eundi ad infirmos, ire ad alia consortia; quia inde nata sunt sequi gravia mala in praerudicium Religionis, praesertim quando fit nocte. Idem est iudicium de similibus.

Nota II. Sæpè contingere, ut in transgressionibus Constitutionum, in quibus subditi incurrunt solam poenam, Superiores graviter peccent, si per illas transgressiones vident graviter relaxari observantiam Regularem, & non conantur pro posse illa emendare.

V. Respondetur: Religiosus non transgreditur suam professionem, si non sit perfectus.

fectus, sed solum si contemnat ad perfectionem tendere. *Ibidem art. 9. in corp.*

V. Respondetur: Duplici modo contemnit Religiosus ad perfectionem tendere: I. formaliter, quando elicit actum hunc: nolo subijci Regulæ & Constitutionibus. II. Quando per notabilem negligentiam & talem incuriam omittit tendere ad perfectionem, qualis explicatur *Resp 8.* Quod est contemptus interpretativus.

VII. Respondetur: Religiosi Ordinis Prædicatorum in transgressione suarum constitutionum possunt peccare venialiter, vel mortaliter ex negligentia, ira, vel contemptu. *Iidem art. 9. ad 1.*

VIII. Respondetur: Religiosi Ordinis Prædicatorum, & aliorum Ordinum, quorum Regula & Constitutiones non obligant ad aliquam culpam, diversis modis peccare possunt, mortaliter, vel venialiter, in illarum transgressione.

I. Quando illarum transgressio provenit ex mala causa, quæ est peccatum.

Quando etiam sine mala causa, cum

40 *De Obligatione Regulae &c.*
contemptu virtuali fit transgressio.

3. Quando ipsa transgressio Constitutionum ex causa peccati.

Explico singula cum Exemplis.

§. 1.

Explicatur primus transgrediendi modus.

23. **P**rimus modus, quo transgressio Regulae & Constitutionum est peccatum, contingit, quando illa oritur ex causa peccaminosa. Ratio est: Quia malitiae causae transfunditur in effectum, & exinde opera aliàs bona fiunt peccatum: ut elemosyna data dauperi mulieri ad fornicandum cum illa, est peccatum mortale.

S. Thomas citatus respons. 7.

Ita peccat graviter, qui ex formali contemptu transgreditur Regulam & Statuta. Quod tunc contingit, quando ideo transgreditur, quia non vult illis subjici, idque, vel ex malitia, vel quia judicat illa irrationabilia, vel nullius momenti. Ratio est: Quia hoc directè contrariatur voto professionis, quo obligatur per illa media tendere ad perfectionem. Insuper,
quia

quia causa, ex qua procedit transgressio, est peccatum, scilicet contemptus. *S. Bernardus* ait: *Neglectus culpabilis, contemptus damnabilis est.*

Similiter peccant, qui Regulam & Constitutiones volunt continuo transgredi, & poenas subire recusant. Ratio est; quia hoc expresse contrariatur voto Professionis, in quo promittit vivere secundum Regulam & Constitutiones, quæ requirunt, ut illa observet vel subeat poenam.

A talibus non prout absunt illi transgressores, qui poenas inviti subeunt, & murmurant contra illas, ac si eis fieret injuria.

Peccant etiam, qui ignorant Statuta & Ordinationes sui Ordinis, & negligunt illas legere & addiscere: quia tales convinctur ex hoc nolle implere ea, ad quæ per professionem se aditinxerunt; quocirca talis ignorantia & negligentia, ex qua peccant, non excusat, quia est de illis, quæ tenentur scire.

Illi quoque, qui ex ira, ut se vindicent

con-

contra Superiorem, murmurant tempore silentij: vel ex mera gula frangunt jejunii Ordinis, & sic de alijs: peccant quoque venialiter, vel mortaliter, secundum qualitatem causæ, ex qua moventur ad transgrediendum.

Pro quibus tamen nota: Quòd in casibus positis & alijs similibus, transgressio Regulæ vel Constitutionum non habet distinctam malitiam à malitia causæ, ex qua procedit. Ita in præsentì sufficit in confessione dicere, in I. casu, commisi peccatum gulæ in materia levi. In II. casu, murmuravi graviter, vel conspiravi contra Superiorem.

Debetur tamen illis peccatis duplex poena: una, quia sunt peccata: altera, quia sunt contra Regulam, vel Constitutiones quæ ad specialem poenam obligant.

§. 2.

*Explicatur secundus transgrediendi modus b
supra positus. 2. Quando etiam &c.*

24. PRæcipua difficultas hîc est de continua transgressione Regulæ.
Con.

Constitutionum sine aliqua mala causa, sed ex nulla, vel frivola, ex mala consuetudine.

Utrum in tali transgrediendi modo contineatur peccatum? Et quale peccatum? Quæ res visa est semper valde obscura, & ejus resolutio à multis dudum desiderata.

Ad quam difficultatem respondeo: Si tales transgressores, dum subinde advertunt suum irregularem modum vivendi, pœniteant de illo, & proponant se emendare, & utcumque conantur, quamvis valde periculosum sit ita vivere, puto tamen in illo non contineri virtuales contemptum. Quia contemptus tollitur per pœnitentiam & emendationis propositum, sive per hoc, quòd judicent se malè facere, quando advertunt continuas suas transgressiones, & ita implicitè dolent, quòd circa talis vivendi modus videtur pertinere ad fragilitatem humanam, & nondum pertingere ad contemptum.

Si verò illi transgressores continuò & quàmvis occasione habitâ, liberrimè trans-

C.

gre-

grediuntur Regulam & Constitutiones, cum nulla aut frivola ratione, & in huiusmodi transgressionibus perseverant per hebdomadas, menses &c. Et hoc subinde advertentes, neque cogitant, neque curam aliquam habent de emenda. Tales vivunt in statu valde periculoso, & proxima dispositione ad formalem contemptum; quinimò in tali transgrediendi modo reperitur interpretativus, seu virtualis contemptus, ac consequenter peccatum, & continuò sunt in malo statu.

Imò, ut inquit *D. Dionysius Carthusianus*, tota taliter viventium vita est continuum peccatum. Et confessiones, quas faciunt, & sacrificia, quæ offerunt, sunt magna sacrilegia, verba illius postea referam.

*Probat*ur: Nam contemptus est voluntaria sine causa continuata legis transgressio. Ita *R. P. Magister Petrus Martyr in Summario Constitutionum nostrarum parte 2. cap. 21 de contemptu refert ex diversis*. Atqui hoc reperitur in præfatis transgressionibus, ut patet.

2. Quia tales transgressores per liberum illum transgrediendi modum sine causa continuatum ostendunt se nihili facere Regulam & Constitutiones. Et ostendunt eandem pravam dispositionem, quam habent, qui formaliter contemnunt, solum differunt, quod hi apertè & pejori modo faciunt, quod illi faciunt implicite & interpretativè. Ponunt idem obstaculum tentionis ad perfectionem: & sunt proximè dispositi ad formalem contemptum; quia si tales seriò moneantur, obvium est, ut respondeant: Non curo, nolo aliter facere, parvum vel nihil est hoc. Et refert præfatus Pater in præfato Summario in diversis locis, de illis, qui frangunt jejunia regularia sine causa, similiter de his, qui utuntur lineis ad carnem, qui frangunt continuò silentium, & in similibus perseverare intendunt, dicit, quòd disponantur ad damnablem contemptum. Fuit hic vir doctissimus, & in regularibus Constitutionibus versatissimus.

Peccatum verò, quod sic vivendo com-

mittitur, directè contrariatur professioni, per quam aliquis promissit Regularem vitam, inquit *S. Tho. 2. 2. q. 186. a. 9 in corp.*

Si quis objiciat, quòd *S. Thomas* loco citato ad 3. dicat: Quòd frequentia peccati dispositivè inducit ad contemptum. Ergo in ea nondum est contemptus

Respond. Quòd *S. Thomas* ibi loquatur de contemptu formali, ut patet legenti eum. Cui conformia sunt jam dicta à nobis, quòd virtualis contemptus inducit formalem.

§. 3.

Explicatur tertius modus transgrediendi Regulam & Constitutiones cum peccato.

25. **C**ommittitur quoque peccatum mortale vel veniale in transgressione Regulæ vel Constitutionum, quando ipsa transgressio est causa peccati, vel est scandalosa trahens alios ad peccatum, vel propinquè disponit ad peccatum, vel tales sunt transgressiones, ut notabiliter enervent, vel relaxent disciplinam & observantiam regularem.

Nam

Nam malus effectus habet malum causam. Singula illa declarabo in sequentibus probationibus.

Pro quo iterum nota: Quod in huiusmodi transgressionibus non reperiatur duplex distincta malitia, ita ut sit alia malitia transgressæ constitutionis, & alia sit malitia peccati, quod ex illa sequitur, sed eadem sit causa & effectus Exempli gratiâ: Qui frangendo silentium litigat cum Fratre, & dicit ei graves contumelias, sufficit ei dicere: Dixi graves contumelias fratri. Et idem de similibus.

26. Patet 1 veritas responsionis in transgressionem silentij. Nam ubi continuò frangitur silentium, non potest esse Religio, secundum quod scribit *Apostolus Iacobus Epist. Can. cap. 1.* & *Sanctus Hieronymus in Epist.* Religio Sancta non potest esse in loquacibus. Et *S. Augustinus*, qui non custodit linguam suam, Monachus non est. Et sicut ex silentio religioso omnia bona oriuntur, quæ in specie recenset *Joannes Climacus in scala*, ita ex loquacitate oriun-

tur omnia vitia, quæ refert S. Antonius p.
1. tit. 2. c. 4.

Inter alia negligitur reflexio super actiones suas, & seria collectio sui ipsius, ad vitam religiosam tantoperè necessaria. Negligitur studium pietatis & devotionis. Negligitur studium Sacrae Scripturae & Theologiae, ex quo redduntur inepti confessarii in ruinam animarum, & infuclucif concionatores: De quo dicit solemnis ille Theologus P. Dominicus Bannez, quòd Dominicanus, qui quotidie non studet per notabile tempus, graviter peccet. Idem dicendum est de alijs Ecclesiasticis, qui habent tales fucliones. Item per continuam loquelam fiunt jurgia, murmurationes, detractiones & innumera alia peccata, per quæ fiunt quotidie peiores. Similiter qui frangunt jejunia Ordinis frequenter & sine causa, fiunt magis ac magis gulosi, carnales, immortificati, acpassionati, & alienati ab omni bono honesto. Et ita seipsum examinanti per alias constitutiones, apparebunt alij defectus, & depre-

hen-

hendet post multos annos, in Religione transactos, se multò pejorem esse, quàm erat, dum Religionem intraret. De quibus verificatur illud *Thom. à Kempis*: Multi computant multos annos Religionis, sed paucos Religiosæ conversationis. Et aliud: Multi sunt veterani in Religione, sed vix Novitij in observatione. Quando igitur, & in quo, & per quas actiones tendunt hujusmodi Religiosi ad perfectionem charitatis & omnium virtutum, in quibus consistit religio, verè igitur dicunt *Hieronymus Augustinus* & alij Patres, quòd tales non sunt Religiosi, qui tamen ut Religiosi in rigore judicabuntur.

2. Probatur. Quia continua transgressio Regulæ & Constitutionum redundat paulatim in transgressionem votorum. Nam secundum *S. Thomam* supra citatum, hæc ordinantur ad votorum observantiam, & sunt quasi nervi, quibus fortiter manet colligata, & subsistit vita Regularis, & illis per transgressionem sublati, enervatur & corrui Religio. Sicut in civitate, destru-

Et o antemurali & propugnaculis, facile ruit
nurus, intrat hostis & vincitur civitas. Ita
quoque quando Religiosus circa mandata
Superioris incipit inquirere, quare hoc,
quare illud, quare ego, & quare non ille,
&c. facile progreditur & dicit: Ego hoc
facere non teneor. Tandem, ego hoc fa-
cere nolo. Similiter, Religiosus, qui con-
tra statuta sua incipit parva incipere sine
licentia, expendere, alienare, paulatim il-
la crescunt, & fit proprietarius. Sic etiam
quando solus incipit loqui cum foeminis,
deinde familiariter agere cum illis, recipere
litteras & munuscula, finaliter sequitur
incontinentia.

III. Probatum: Quia liberi illi Transgres-
sores verbo & exemplo trahunt alios ad
deplorandum suum vivendi modum, & sic
paulatim destruuntur præclarissimæ Reli-
giones, quæ à suis Fundatoribus in maxi-
mo sanctitatis rigore sunt institutæ & cum
magna ædificatione populi dudum florue-
runt, idque cum irreparabili damno, gra-
vissimo præjudicio honoris DEI, scanda-
lo

lo sæcularium, & perditione infinitarum animarum, quas Religiosâ vitâ potuissent Christo lucrari.

In talibus Religiosis locum habet terribilis illa visio *Sancti Pachomii*, quam vidit de futuro statu sui Ordinis. Illam reperire licet in vitis Patrum conscriptis à *S. Hieronymo* in vita *S. Pachomii*. Et in gemitu *Columbæ Cardinalis Bellarmini*. Legant illam, & in illa reperient lumen, quo evadant periculosas suas tenebras.

30. Tandem hæc omnia probantur efficacissimè, illa præsertim, quæ habentur in Responsione octava ex Doctrina *Divi Dionysii Carthusiani de Reform. Claustri. Cap. 6.* Qui de talibus Religiosis ita scribit: *Quamvis multa contineantur in Regulis & Statutis Religiosorum, ad quæ non tenentur de necessitate præcepti, ita quod statim peccant mortaliter, quando in aliquo fuerint negligentes, ut est observantia silentii, surgere alacriter ad Matutina, otiositates vitare, inutiliter hinc inde discurrere, atque similia; verum consuetudo excedendi, seu assiduitas de-*

linquendi in istis, & non curare, neque emendare, non potest à mortali excusari peccato, (scilicet propter contemptum saltem virtualem) propterea Religiosi deformati, in quibus parva, aut nulla, est rigoris, aut disciplinæ observantia; qui carnaliter aut sensualiter vivunt, & mundanis vanitatibus pleni sunt, otiositati & loquacitati uacantes, in innumerabilia prorsus incidunt vitia & peccata, non venialia tantum, sed & mortalia, imò tota illorum vita est quasi peccare continuum: præsertim quia & hæc ipsa bona, quæ agere videntur, tam negligenter, irreverenter, & tepidè, tam inordinatè, atque indebitè agunt, ut magis sit offensivum DEI, quàm honorativum, ac reconciliativum ipsius. Tales enim qui in sæcibus suis jugiter manent, qualiter confitentur? Qualiter celebrant? Qui se in nullo emendant, imò de multis, quæ mortalia sunt, nullam sibi conscientiam facere comprobantur. Hæc ille vir, quem Bellarminus de Script. Eccles. doctissimum ac sanctissimum vocat. In qua Doctrina (quæ nimium vera est) si benè confidetur à laxis Religiosis, videbunt tanquam

in speculo sordes conscientiae, & evidens
periculum aeternae damnationis.

31. Quapropter hæc doctrina incutere
deberet maximum timorem omnibus Re-
ligiosis, tam Superioribus, quam Inferio-
ribus, & illos eo adigere, ut serio reco-
lant diem Professionis suæ, in qua sponta-
neâ & sincerâ mente se totos DEO con-
secrârunt. Promiseruntque, quod omnibus
diebus vitæ suæ usque ad mortem vivent
secundum Regulas & Constitutiones, non
prout hic, vel ibi servantur, sed prout in
se sonant. Verum è contrâ, vix emissâ
professione statim prætendimus dispensa-
tiones, Privilegia, licentias generales, &
exemptiones à quibusvis Regularibus ob-
servantijs, per quæ Religio irreparabili-
ter decidit, & redigitur ad nihilum. Qua-
si verò eminentissimos ille & Angelicus
status totus consistat, ut maxima DEO
promittamus, & ex promissis DEO nihil
reddamus. Insignis perfectio! Scriptum
est: *Vovete & reddite DEO vestro; displicet
DEO stulta & infidelis promissio.* Et quod

gravius est, Superiores ad talia indiscretè concedenda quodammodo compellimus, socios in tale adjutorium nobis conjungimus, & bonis Superioribus, hæc & similia reformare volentibus toto conatu obfistimus, socios in perditionem trahimus, & posteris nostris viam ad infernum sternimus, idque usque ad diem judicij, quorum omnium peccata veniunt super illos, qui scandalum illud posuerunt. Quia ut ait Seraphicus Doctor: *Quicumque aliquod exemplum aliis relinquunt, sive bonum, sive malum, particeps est imitatorum suorum, sive in supplicio, sive in premio sempiterno.* Quemadmodum Dux exercitûs, qui permittit militibus devastare pagum, est omnium peccatorum reus, & restitutioni totius damni obnoxius. Vide notabilem sententiam *S. Matris Tereſia de Via perfect.* cap. 13.

Dignetur nobis optimus Pater præbere quæ lumen, ut tempestivè densissimas has tenebras evadamus, ne seriùs deploremus. cum impijs apud Sapientem: *Erravimus alijs*

via veritatis, & Justitiæ lumen non luxit nobis, & Sol intelligentiæ non est ortus nobis. Apprehendant hæc Superiores, qui suâ negligentia, & indiscretâ Indulgentiâ horum omnium sunt principalis causa. Attendant quoque ad hæc omnia Superiores & Confessarij Monialium, ut illas frequenter admoneant de tanta obligatione Regulæ & Constitutionum, etiam minimarum.

CAPUT VII.

Sequuntur aliqua objectiones contra prædicta.

Objiciunt I. Qui semel aut iterum frangit silentium V. G. non peccat, vel si peccet, tunc sequitur, quòd quævis transgressio Constitutionum sit peccatum, ac proinde quòd numquam obligent ad solam pœnam. Vel si semel aut iterum frangere silentium non sit peccatum, ergo nec erit peccatum centies frangere, quia omnes transgressiones sunt ejusdem rationis. Similiter potest fieri argumentum de alijs Constitutionibus.

32. Ad quæ respondetur: Quòd licet qualibet transgressio secundum se præcisè sumpta sit ejusdem rationis cum prima & secunda transgressione, considerata tamen cum pluribus alijs, per notabilem negligentiam iteratis, prout declaravi jam supra Responsione. 8. Habent posteriores aliquid, quod non habent priores, scilicet interpretativum contemptum, ut patet ex Respons. 8.

II. Obijciunt ad hæc: Esto foret peccatum transgredi dicto modo Constitutiones: attamen quòd hodie aliquis frangat silentium, foret solum veniale peccatum unum, vel plura. Vel quòd aliquis frangat jejunium Ordinis sine causa & licentia, est ad summum veniale peccatum, faciat similiter cras, & perinde, forent solum venialia: sed venialia multiplicata non faciunt unum mortale. Quomodum, si quis hodie in lectione Horarum omittat aliquot versus, similiter faciat cras & perinde, manerent solum tot venialia. Idem reperitur, si aliquis in parvo frangit j ju-

nium Ecclesiæ diversis diebus, non constituitur ex illis peccatum mortale. Ergo similiter dicendum videtur, quò multiplicatæ transgressiones Constitutionum non poterunt unquam constituere peccatum mortale.

33. Respondetur: Quòd quando multi actus venialiter peccaminosi uniuntur in objecto seu materia, tunc ultimus ille actus, in quo completur notabilis materia, vel in qua vult permanere, illa voluntas est peccatum mortale, ut videre licet in parvis furtis. Ut, decies furripere unum assem, sunt tot venialia, licet semper accrescant; sed quando sic pervenitur ad decimum sextum, vel vigesimum assem, tunc velle retinere illum assem cum præcedentibus, committitur peccatum mortale. Idem contingeret, si aliquis in Jejunio Ecclesiæ eadem die sæpius sumeret parum cibi, ultima sumptio fieret mortalis, in qua completur notabilis cibus assumptus. Quando verò multi actus non sic uniuntur, tunc licet sæpius iterati, manent solum

venialia, ut contingit in duobus ultimis exemplis positis in argumento.

In præsentì verò, frangere frequenter jejunia Ordinis, silentia & similes majoris momenti Constitutiones cum frivola aut nulla causa, uniuntur in hoc, quòd aliquis maneat irreligiosus, immortificatus, totus sensualis, non progrediatur in via virtutum, maneat imperfectus, & post multum temporis sæpè pejor, quàm dum Religionem intraret, quæ omnia graviter militant contra obligationem, quam in professione assumpsit & sequuntur alia detrimenta Religioni superius relata.

III. Objicitur contra prædicta: Ego vivo secundum Regulam & constitutiones, tametsi frequenter transgrediar, quando paratus sum ad taxatam poenitentiam subeundam pro transgressionibus, quia Constitutiones non plus requirunt, ut patet ex prologo, ubi dicitur: quòd Regula & Constitutiones non obligant nos ad culpam, sed ad solam poenam.

Respondetur: Quòd obligent nos ad

so-

e- solam pœnam secluso contemptu; in con-
ter tinua transgressione Constitutionum sine
ris causa reperitur interpretativus contem-
aut ptus, juxta dicta responsione 8.

uis IV. Conqueruntur, quòd in tantum
tus multiplicentur Constitutiones & Ordina-
tu- tiones, quòd vix possint memoriâ retineri,
um quomodo ergo poterunt impleri? Et onus
io- novæ Legis, quod Christus leve & suave
ant prædicavit, videtur in Religionibus per
one diversa statuta adeò aggravari, ut tandem
Re- de jugo Religionis dici poterit, quod A-
vi- postolus *Petrus* de antiqua lege dixit: Quòd
es, nec nos, nec Patres nostri portare potui-
mus.

ado 34. Respondetur: Quòd per diversa
ub- & multiplicata statuta additur onus votis
on- nostris, sed non est onus aggravans, sed
atet allevians, prout *S. Bernardus* dicit de lege
a & Evangelica in ordine ad legem antiquam
ul- & moralem: Additur (inquit) onus oneri, &
ad minus onerat; & sic oneri gravissimo legis ac-
cedens quadrina Evangelii, & auxit perfectio-
nem, & minuit difficultatem.

Quem

Quemadmodum, si equo, qui deberet portare duodecim saccos tritici, addas currum, ita Regula & Constitutiones adiunguntur votis ad alleviandum onus eorum.

Neque etiam onus, quod addunt, est difficile: nam quando pulsatur ad Ecclesiam, a quali facilitate potest quis omnibus relictis statim ire, quàm hærere per medium quadrantulum, & seriùs venire. Et audito signo silentij æquè facillè potest statim discedere, quàm in locutorio longiorem protrahere moram. Idem est de alijs observantijs. Neque sunt ita multiplices, quin facillimè possint retineri, si quis ex amore perfectionis, quam professus est, legat & relegat subinde capitulum aut alterum: Quia sæpè legimus multa vana, & benè retinemus. Ad quod etiam hortatur Humbertus quondam Generalis Ordinis Prædicatorum, dicens: *Lectio diligens Regula & Statutorum propria professionis, necessaria est, quia (inquit) fit contra Regulam frequenter, quando non legitur Regula.*

V. Alij sunt, qui vellent observare Regulam & Constitutiones, tamen incipiunt & pergunt transgredi statuta sua cum Socijs, quia timent illos offendere, vel obloquia ipsorum, vel quia non audent publicè agere contra communem consuetudinem, ne videantur singulares, vel agere tanquam Novitij, vel habeantur tanquam scrupulosi, vel hypocritæ.

35. Rr. Si propter observantiam Regularem, ad quam obligor, incurro indignationem, & displiceo socijs meis, non est hoc curandum, teste Apostolo, dum dicit: *Si adhuc hominibus placerem, Christi servus non essem.* Nam sic displicendo hominibus magis places DEO. Consuetudo illa communis Religiosorum aliorum corruptela est Religionis, ac ideo detestanda. Et non à pluribus, sed ab honestioribus forma sumenda est, inquit *S. Bonaventura in Speculo p. 1. c. 2.*

Neque est mala singularitas servare communes regulas & statuta, ad quæ tota communitas obligatur. Neque est Novi-
ti-

tiorum exactè sua statuta observare, qui nondum illis obligantur, sed professorum. Imò & quantò seniores sunt professione, gradu, vel officio, tantò plus obligantur ad eorum observantiam: Quia debent bono suo exemplo ædificare juniores, monstrando, quantum profectum in via perfectionis fecerunt, & in illa progredi usque ad mortem, prout promiserunt. Nec est hypocrisis facere id, quod debeo, sed sincera fidelitas: Neque exactè observare sua statuta est scrupulosum, sed Religiosum. Et quietare conscientiam suam in hoc, quòd illorum transgressio non sit peccatum, est astuta diaboli persuasio, per quam subtiliter inducit, & suaviter illaqueat Religiosos in sensuali illa libertate, & ita paulatim destruit observantiam: quia hæc est vera radix, ex qua semper prodit ruina Religionum in sanctissimis Monasterijs, ut observatum est à pluribus sanctissimis Viris.

VI. Multi à parvis incipiunt sua facere sine licentia Superiorum, & paulatim pergunt ad majora; tandem in nullo petunt

licentiam. Quia pudet illos frequenter accedere Superiores; ac eò confidentius, quia existimant, quòd Superiores nolunt continuò molestari.

36. Rr. Sed pudor ille, vel potius superbia illa, est nimis perniciofa, quia nata est auferre totam promissam obedientiam, & Religiosos iteratò transferre ad propriam voluntatem, quod Sacrilegum est: boni superiores, qui cogitant, quòd de vita singulorum debebunt reddere rationem, libenter volunt & debent scire, quid singuli agant: quomodo aliàs de vita illorum poterunt reddere rationem Christo Domino supremo Judici? Deinde incipiunt quævis oblata recipere sine licentia, & ita perit paupertatis votum. Tandem quærunt conversationem muliercularum, à quibus hæc recipiunt, ac ita periclitatur castitas, propter quæ DEUS primò ab ipsis desertus, deserit illos; & meritò subtrahit lumen ab intellectu, ut videntes hæc non videant, aufert à voluntate emollientem gratiam, & ita obdurantur, nam horum omnium trans-

transgressionibus amplius scrupulum sentiant, & ipsi, sic quietè morientes, sepeliuntur in inferno.

CONCLUSIO.

PErpendant hæc frequenter & accuratè omnes Religiosi, qui faciles sunt in transgrediendo Regulam suam & Constitutiones; considerent, (inquam) quàm periculosum sit ita vivere, & quàm horrendum sit ita mori; quid tales respondere poterunt in hora mortis iustissimo Iudicio Christo, quando exactè repetet pretiosum illud talentum Religiosi Statûs, in quo quotidie debebant progredi de virtute in virtutem, tendere ad maiorem perfectionem, producere quotidie fructus in lucrum animarum verbo & exemplo? Cùm tamen ècontra, prout clarè videbunt in hora mortis, vitam suam esse deteriore[m] quàm dum ex sæculo primitus ad Religionem venerunt, in vinea Domini se spinam protulisse, non uvas: dedisse se proximi exempla pravitatis, & non charitatis. servus ille Evangelicus, qui talentum suum

di-

diligenter custodierat, sit graviter reprehensus, & ligatis manibus & pedibus missus in tenebras exteriores, quia in illo negotiatus non fuerat, & lucrum non adferebat; quid fiet de nobis, qui non tantum lucrari negleximus, sed talentum ipsum irreligiousè vivendo dissipavimus? Quomodo indignationem irati Domini perferre poterimus, qui ex tam magnis promissis nihil solvimus? Quia in Religione non perfectè vivere, summa damnatio est, (inquit *S. Eusebius.*) Perpendamus igitur hæc tempestivè, antequam talentorum Dominus redeat ex longinqua profectioe, & incipiat nobiscum inire exactam rationem: ubi tunc singula exacte computabuntur, & secundum rigorem justitiæ punientur.

Donet igitur Dominus, & Regulam & Constitutiones exactè observemus, tanquam spiritualis pulchritudinis amatores? & ubi nos invenerimus ea, quæ scripta sunt, facientes, agamus gratias Domino honorum omnium Largitori: ubi vero sibi quicunque nostram viderit aliquid deesse, doleat de præterito, cavent de

fu

futuro, orans, ut sibi debitum dimittatur, & in-
tentationem non inducatur. Ita S. P. Augusti-
nus finit sanctam suam Regulam.

Finio & ego hunc tractatulum ad ma-
jorem DEI gloriam, si subjunxero hanc
brevem regulam S. Caroli Borromæi, quam
sequendo pervenit ad apicem perfectio-
nis, quæ talis est:

A minimis incipe,

Semper progreditor,



DEUM semper ante oculos habe.

Quod nobis concedere dignetur to-
tius perfectionis Magister & O-

rigo Christus IESUS, qui
est DEUS super omnia

benedictus,

AMEN.



R

T

O

Pri

I

SS

7n

n
m
an
a
nt
le
en

fo
hia
q
o

r

